

故宮珍本叢刊第 622 冊清代詩文總集

故宮博物院編

全唐詩季振宜寫本

第二冊（共十二冊）

海南出版社

圖書在版編目(CIP)數據

全唐詩/(清)季振宜編. —影印本. —海口:海南出版社,2000.10
(故宮珍本叢刊)

ISBN 7-80645-746-1

I.全… II.季… III.唐詩—選集 IV.Z121.7

中國版本圖書館 CIP 數據核字(1999)第 68752 號

故宮珍本叢刊第 622 冊

清代詩文總集

全唐詩季振宜寫本

第二冊(共十二冊)

故宮博物院編

責任編輯:李升召

*

海南出版社出版發行

海南省海口市金盤開發區建設三橫路 2 號 郵政編碼:570216

湖南省新華印刷三廠印刷

湖南省長沙市韶山路 158 號 郵政編碼:410004

本書正文用紙由金城造紙(集團)有限責任公司生產

*

2000 年 10 月第 1 版 2000 年 10 月第 1 次印刷

開本:787×1092 毫米 1/16 印張:23.5 印數:1-400 冊

ISBN 7-80645-746-1/Z·24

定價:1790 元(共 12 冊)

本書如有印裝質量方面問題請與我社或承印廠聯係
我社為本書每冊(種)書新編的目錄均置於每冊書末

全唐詩卷五十七

郭震

震字元振魏州貴鄉人以字顯長七尺美鬚髯少有大志十六與薛稷趙彥昭同為太學生家嘗送資錢四十萬會有鑲服者叩門自言五世未英願假以治喪元振舉與之無少吝一不質名氏稷等嘆駭十八舉進士為通泉尉任使使氣橫去小節嘗盜鑄及掠賣部中口千餘以餉遺賓客百姓厭苦武后知所為召欲詰既與語奇之索所為文章上寶劍篇后覽嘉嘆授右武衛鎮曹參軍進奉宸監丞會吐蕃乞和其大將論欽陵請罷四鎮兵被十姓之地乃以元振充使因覘虜情還上疏論

郭震

全唐詩

卷五十七

一

利害后然其計久之突厥吐蕃聯兵寇凉州后方御洛城門宴邊遽至因輟樂拜元振為凉州都督即遣之宗神龍中遷左驍衛將軍安西大都護西突厥酋烏質勒部落感強款塞願和元振即牙帳與計事會大雨雪元振立不動至夕凍冽烏質勒已老數拜伏不勝寒會罷即死其子安葛以元振計殺其父謀勒兵襲擊副使解琬知之勸元振夜遁元振不聽堅卧營為不疑者明日素服往弔通達安葛兵虜不意元振來遂不敢逼揚言迎衛進至其帳修弔贈禮哭甚哀為留數十日助喪事安葛感義更遣使獻馬五千駝二百牛羊十餘萬制詔元振為金山通行軍大總管烏質勒之將闕啜忠節

與安葛交怨而闕啜兵弱不支元振奏請追闕啜入宿衛使周以悌以悌說之曰國家厚秩待君以部落有兵故也今獨入朝一羈旅胡人耳何以自全乃教以重寶

賂宰相無入朝請發安西兵導吐蕃以擊安葛既得復警部落更存闕啜然之即勒兵擊于闐城城下之遣人間道齎黃金分遺宗楚客紀處詢使就其謀元振上疏爭之不省楚客等因建道攝御史中丞馮嘉賓持節安撫闕啜以御史呂守素處置四鎮以牛師獎為安西副都護代元振領甘涼兵召吐蕃併力擊安葛安葛怒即募兵禽闕啜殺馮嘉賓呂守素於僻城牛師獎于火燒

郭震

全唐詩

卷五十七

二

城遂陷安西四鎮路絕元振叱疏勒水上未敢動楚客復表周以悌代元振且以阿史那獻為十姓可汗置軍焉耆以取安葛安葛遣元振書言無仇于唐而楚客等受闕啜金欲加兵擊滅我故懼死而闕且請斬楚客元振奏其狀楚客大怒詎元振有異圖召將罪之元振使子鴻聞道奏乞留定西土以悌乃得罪流白州而赦安葛睿宗立召為太僕卿將行安西酋長有勢面哭送者旌節下玉門闕去凉州猶八百里城中爭具壺漿歡迎景雲二年進同中書門下三品玄宗先天元年為朔方軍大總管明年以兵部尚書復同中書門下三品玄宗誅太平公主也睿宗御承天門諸宰相走伏外省獨元

振總兵帝進封代國公玄宗講武驪山既三令帝親
鼓之元振遽奏禮止帝怒軍容不整引坐纛下將斬之
劉幽求張說扣馬諫乃赦死流新州開元元年帝思舊
功起為饒州司馬快快不得志道病卒元振雖少雄邁
及貴居處乃儉約手不置書自朝還對親欣欣退就室
儼如也距國初任至宰相而親具者唯元振云

古劍篇一作寶劍篇

君不見昆吾鐵冶飛炎烟紅光紫氣俱赫然良工鍛鍊
凡經一作幾年鑄得寶劍名龍泉龍泉顏色如霜雪良工
咨嗟嘆奇絕琉璃玉匣吐蓮花錯鏤金環映一作生明月
正逢天下無風塵幸得周一作用防君子身精光黯黯青

郭震

全唐詩 卷五十七

三

蛇色文章片片綠龜鱗非直結交游俠子亦曾一作常親
近英雄人何言中路遭棄捐零落漂一作飄淪古獄邊雖
復塵埋無所用猶能夜夜氣衝天

塞上

塞外虜塵飛頻年出武威死生隨玉劍辛苦向金微久
戍人將老長征馬不肥仍聞酒泉郡已合數重圍
久戍人偏老長征馬不肥元振警句也元振嘗山
居夜有人面如盤出燈下元振以此詩題其類遂
減明日山行見巨木上有白耳此句在焉

寄劉校書

俗吏三年何足論每將榮辱在朝昏才微易向風塵老

身賤難酬知己恩御苑殘鶯啼落日黃山細雨濕歸軒
回首一作望漢家丞相府昨來誰得掃重門

同徐員外除太子舍人寓直之作

太子擅元良宮臣命律長除榮辭會府直宿總書坊露
濕幽巖桂風吹便坐系閣連雲一色池帶月重光葉死
蘭無氣荷枯水不香遙聞秋興作言是晉中郎

春江曲

江水春沈沈上有雙竹林竹葉壞水色郎亦壞人心

王昭君三首

自嫁單于國長街漢掖悲容顏日懽悻有甚畫圖時

厭踐冰霜域嗟為邊塞人思從漢一作南獵一見漢家

郭震

全唐詩 卷五十七

四

塵

聞有南河信傳言殺畫師始知君念一作惠重更肯惜一作作
畫蛾眉

子夜四時歌六首

春歌

陌頭楊柳枝已被春風吹妾心正斷絕君懷那得知
青樓含日光綠池起風色贈子同心花殷勤此何極

秋歌

邀歡空佇立望美頻回顧何時復采菱江中客相遇
辟惡茱萸囊延年菊花酒與子結綢繆丹心此何有

冬歌

北極嚴氣昇南至溫風謝調綠競短歌拂枕憐長夜
帷橫雙翡翠被卷兩鴛鴦婉態不自得宛轉君王牀

二月樂遊詩

二月芳遊始開軒望曉池綠蘭日吐葉紅蕊向盈枝柳
色行將改君心幸莫移陽春遽多意唯願兩人知

十月樂遊詩

十月嚴陰盛霜氣下玉臺羅衣羞自解綺帳待君開銀
箭更籌緩金爐香氣來愁仍夜未幾已使炭成灰

螢

秋風凜凜月依依飛過高梧影裏時暗處若教同衆類
世間爭得有人知

齊震

全唐詩

卷五十七

五

蛩

愁殺離家未達人一聲聲到枕前聞苦吟莫向朱門裏
滿耳笙歌不聽君

雲

聚散虛空去復還野人閒處倚筇看不知身是無根物
蔽月遮星作萬端

野井

縱無汲引味清澄冷浸寒空月一輪鑿處若教當要路
為君常濟往來人

米囊花

開花空道勝于草結實何曾濟得民却笑野田禾與黍

不聞經管過青春

惜花

艷拂衣襟蓋拂杯遶枝閒共蝶徘徊春風滿目還惆悵
半欲離披半未開

蓮花

臉膩香薰似有情世間何物比輕盈湘妃而後來池看
碧玉盤中弄水晶

趙彥昭

彥昭字奕然甘州張掖人少豪邁風骨秀爽及進士第
調為南部尉典郭元振薛稷蕭至忠善自新豈丞為左
臺監察御史中宗景龍中累遷中書侍郎同中書門下

趙彥昭

全唐詩

卷五十七

六

平章事金城公主嫁吐蕃始以紀處訥為使處訥辭乃
授彥昭彥昭不悅司農卿趙復溫曰公天軍而為一介
使不亦鄙乎彥昭問計安出復溫乃為請安樂公主留
之睿宗立出為宋州刺史入為吏部侍郎蕭至忠等誅
郭元振張說言彥昭與秘謀封耿國公彥昭本以權幸
進中宗時有巫趙扶鬼道出入禁掖彥昭以姑事之嘗
衣婦服乘車與妻偕謁其得宰相助力也會姚崇執政
惡其為人貶江州別駕卒

奉和聖製立春日侍宴內殿出剪綵花應制

剪綵迎初候攀條寫故真花隨紅意蕚葉就綠情新嫩
色驚樹燕輕香誤采人應為薰風拂能令芳樹春

奉和人日清暉閣宴羣臣遇雪應制

出震乘東陸憑高御北辰祥雲應早歲瑞雪候初庭
一作樹千花葉階莫七葉新辛承今日宴長奉萬年春

奉和七夕兩儀殿會宴應制

青女三秋節黃姑七日期星橋度玉珮雲閣掩羅帷河
氣通仙掖天文入睿詞今宵望靈漢應得見蛾眉

奉和九日幸臨渭亭登高應制

秋豫凝仙覽宸游轉翠華呼鷹下鳥路戲馬出龍沙紫
菊宜新壽丹萸辟舊邪須陪長久宴歲歲奉吹花

奉和九月九日登慈恩寺浮圖應制

出豫乘秋節登高陟梵宮皇心滿塵界佛跡現虛空日
趙光昭

全唐詩

卷五十七

七

月宜長壽人天得大通喜聞題寶偈受記莫由同

安樂公主移入新宅侍宴應制同用開字

雲物中京曉天入外館開飛橋像河漢懸勝學蓬萊北
闕臨仙檻南山送壽杯一窺輪奐畢慚慙一作棟梁材

奉和送金城公主遠西蕃應制

聖后經綸遠謀臣計畫多受降追漢策築館許戎和俗
化烏孫壘春生積石河六龍今出餞雙鶴願為歌

奉和聖製登驪山高頂寓目應制

皇情遍九垓御輦駐昭回路若隨天轉人疑近日來河
看大禹鑿山見巨靈開額底封登駕常持薦壽杯

奉和幸白鹿觀應制

雲駮驅牛景星躔坐中天國誕玄一作宗聖家尋碧落
仙玉杯鸞薦壽寶筭知年一覩光華旦欣承道德篇

奉和哭僕射鄂公楊再思

兩楨光天秩三朝奉帝照何言集大鳥忽此喪元龜坐
嘆公槐落行聞宰樹悲一作壑舟今已去寧有濟川期

人日侍燕大明宮應制

寶契無為屬聖人珎典出幸玩芳辰手樓半入南山霧
飛閣旁臨東豎春夫路穠花千樹蔭垂軒弱柳萬條新
處處風光今日好年年願奉屬車塵

奉和幸安樂公主山莊應制

六龍齊軫御朝曦雙鷁維舟下綠池飛觀仰看雲外聳
趙彥昭

全唐詩

卷五十七

八

浮橋直見海中移靈泉巧鑿天孫渚孝首能抽帝女枝
幸願一生同草樹年年歲歲樂於斯

奉和幸大薦福寺

寶地龍飛後金身佛現時千花開國界萬善累皇一作
基北闕承行幸西園屬住持天衣拂舊石玉舍起新祠
荆鳳迎瑤輦幡紅駐綠旗同沾小雨潤竊仰大風詩

奉和幸長安故城未央宮應制

鳳駕移天蹕憑軒覽漢都寒烟收紫禁春色繞黃圖舊
史遺陳迹前王失霸符山河寸土盡宮觀尺椽無崇萬
惟在德壯麗豈為謨淡室留皇鑒薰歌感有虞

奉和幸韋嗣立山莊侍燕應制

賢族唯題里儒門但署鄉何如表巖洞宸翰蒞輝光地
在茲山曲家臨郤水陽六龍駐罕四牡耀旂常北斗
臨台座東山入廟堂天高羽翼近主聖股肱良野竹池
亭氣村花澗谷香縱然懷豹隱空愧躡鵷行

奉和元日賜羣臣柏葉應制

罷乏雕梁麗材非構厦材但將千歲葉常奉萬年杯

苑中人日遇雪應制

始見青雲干律呂俄逢瑞雪應陽春今日回看上林樹
梅花柳絮一時新

奉和聖製韋韋嗣立山莊應制

廊廟心存巖壑中鑾輿矚在瀾城東逍遙自有蒙莊子

趙孝昭

全唐詩 卷五十七

九

漢主徒言河上公

秋朝木芙蓉

水面芙蓉秋已衰繁條偏是著花遲平明露滴垂紅臉
似有朝愁暮落時

從宴桃花園

紅萼競燃春苑曙粉華新吐御筵開長年願奉西王母
一作近侍慚無束刲才

蕭至忠

至忠雍州人仕為伊闕洛陽尉遷監察御史至忠長擊
斷譽聞當時中宗神龍初為御史中丞始至忠為御史
而李承嘉為大夫嘗讓諸御史曰彈事不咨大夫可乎

眾不敢對至忠獨曰故事臺無長官御史天子耳目也

其所請奏當專達若大夫許而後論即劾大夫者又誰

白哉承嘉慚遷吏部侍郎猶兼中丞節愍太子以兵誅

武三思而敗宗楚客等使侍御史冉祖雍上變言相王

與太子謀帝欲按之至忠泣曰往者天后欲以相王為

太子而王不食累日獨請迎陛下其讓德天下莫不聞

陛下貴為天子不能容一第受人羅織耶帝納其言止

尋授中書侍郎同中書門下平章事俄為侍中中書令

時楚客懷奸植黨而韋巨源楊再思李嶠務自安無所

獨正至忠介其間獨不詭隨時望翕然歸重帝亦曰宰

相中至忠最憚我韋后嘗為其弟洵與至忠甥女冥婚

蕭至忠

全唐詩 卷五十七

十

至忠又以女妻后舅崔從禮子無諤兩家合禮帝主蕭

后主崔時謂天子嫁女皇后娶婦睿宗唐隆元年以后

黨應坐而太平公主為言出為晉州刺史太平復用事

至忠乃自附納且丐還主請于帝復為中書令玄宗先

天二年主敗至忠遁入南山捕誅之至忠始在朝有風

望容止閑放外方直糾擿不法而內無守觀時輕重而

去就之始為御史桓彥範等頗引重五主失政更因武

三思得中丞附安樂公主為宰相及韋氏敗遽戮韋洵

壘持其女柩歸後依太平復當國嘗出主第遇宋璟環

戲曰非所望于蕭傳至忠曰善乎宋生之言然不能自

返也然玄宗賢其為人後得源乾曜亟用之謂高力士

曰若知吾進乾曜遽予吾以其貌言似蕭至忠力士曰彼不嘗負陛下乎帝曰至忠誠國寵但晚謬爾

奉和九月九日登慈恩寺浮圖應制

天驛三乘啓星輿六轡行登高凌寶塔極目徧王城神衛空中遶仙歌雲外清重陽千萬壽率舞頌昇平

奉和九日幸臨渭亭登高應制得餘字

望幸三秋暮登高九日初朱旗巡漢苑翠帝俯秦壚寵極芟房一作香遍恩深菊耐餘承歡何以答萬億奉宸居

奉和幸安樂公主山莊應制

西郊窈窕鳳皇臺北渚平明法駕來匝地金聲初度曲周堂玉溜好一作且又作始傳杯灣路分遊畫舟轉巖門相一作作

蕭至忠

全唐詩

卷五十七

七

岸向碧亭開微臣此時承宴樂髣髴疑從一作尋星漢迴

張宣明

宣明有膽氣富詞翰為郭元振判官

山行見孤松成詠一作賦詩

唐新語云宣明嘗山行見孤松賞玩久之賦詩云

云鳳閣舍人梁載言賞之曰文之氣質不減于長

松也

孤松鬱山椒蕭瑟凌清霄既挺千丈幹亦生百尺條青
青恒一色落落非一朝大厦今已構惜哉無人招寒霜
十二月枝葉獨不凋

使至三姓咽麵國

宣明為郭震判官使至三姓咽麵國賦此詩時人稱為絕唱

昔聞班家子筆硯忽然授一朝撫長劍萬里入荒陬豈不服艱險只思清國警山川去何歲霜露幾逢秋玉塞已遐廓鐵關方阻修東都日宵宵西海此悠悠卒使功名建長封萬里侯

盧崇道

崇道為太常卿坐其羣崔湜反俱流嶺南逃歸至都為其子娶崔氏女有內給使取充貴人崇道賂之令別娶一崔氏女入內事敗男共三人皆勅杖至殞蓋睿宗時也

張宣明

盧崇道

全唐詩

卷五十七

七

新都南亭別郭大元振

竹徑女蘿溪蓮洲文石隄靜深人俗斷尋玩往還迷碧潭秀初月素林驚夕棲褰幌納鳥侶龍琴聽猿啼佳辰改宿昔勝寄坐睽携長懷賞心愛如玉復如珪

全唐詩卷五十八

盧懷慎

懷慎滑州人第進士歷監察御史中宗謁武后上陽宮
后詔帝十一日一朝懷慎諫曰昔漢高帝受命五日一朝
太公於櫟陽宮以起布衣登皇極子有天下尊歸于父
故行此耳今陛下守文繼統何所取法况應天去提象
纔二里所騎不得成列車不得方軌于此屢出愚人萬
有一犯屬車之塵雖罪之何及臣愚謂宜遵內朝以奉
溫清無煩出入不省還右御史臺中丞黃門侍郎與魏
知古分領東都選開元元年進同紫微黃門平章事薛
王舅王仙童暴百姓憲司按得其罪葉為申列有詔紫
微黃門覆實懷慎與姚崇執奏仙童罪狀明甚若御史
可疑則它人何可信由是微決懷慎自以才不及崇故
事皆推而不專時譏為伴食宰相以疾乞骸骨許之卒
謚曰文成懷慎清儉不營產服器無金玉文綺之飾赴
東都掌選奉身之具止一布囊既屬疾宋璟盧從愿候
之見敝簣單藉門不施箔會風雨至舉席自障日晏設
食蒸豆兩器菜數極而已臨別執二人手曰上求治切
然享國久稍倦于勤將有儉人乘間而進矣公第志之
于與矣

奉和九日幸臨渭亭登高應制得還字

時和素秋節宸豫紫機闕霍似聞琴至人疑宴鶴還曠

望臨平野潺湲俯溟灣無因酬大德空此愧崇班

奉和聖製龍池篇唐李龍池樂章第四

代郎東南龍躍采清漪碧浪遠浮天樓臺影就波中出
日月光疑鏡裏懸雁沼回流成舜海龜書薦祉應走年
大川既濟慙為楫報德空思奉細涓

李元紘

元紘字大綱其先滑州人後世占京兆萬年本姓丙氏
元紘早修謹仕為雍州司戶參軍時太平公主勢震天
下嘗與民競碾磴元紘還之民長史竇懷貞大驚趣改
之元紘大署判後曰南山可移判不可搖開元初為萬
年令擢京兆少尹會戶部楊瑒白知慎坐文調失宜帝
李元紘

全唐詩卷五十八

求可代者公卿多薦元紘帝欲擢為尚書宰相以資薄
乃為戶部侍郎明年遂拜中書侍郎同中書門下平章
事元紘當國務峻峻檢柳奔競夸進者憚之五月五日
宴武成殿賜羣臣襲衣特以紫服金魚錫元紘及蕭嵩
羣臣無與比初左庶子吳兢為史官謨唐書及春秋未
成以喪辭後上書請畢其功詔許就集賢院成書張說
致仕詔在家修史元紘因言國史記人君善惡王政損
益褒貶所繫前聖尤重今國大典分散不一且太宗別
置史館禁中所以祕嚴之也請勸說以書就館參會謨
錄卒謚曰文忠元紘再世宰相有清節宋璟嘗嘆曰李
公引宋遙之異點劉冕之貪為國相家無留儲雖季文

子之德何以加之

綠蟬怨

征馬嘶金珂嫫姚向北河
綠苔行跡少紅粉淚痕多
寶屋粘花絮銀爭覆網羅
別君如昨日青海雁頻過

相思怨

望月思氛盡朱衾懶更薰
春生翡翠帳花點石榴裙
燕語時驚妾鶯啼轉憶君
交河一萬里仍隔數重雲

奉和聖製送張說上集賢學士賜宴得私字

碩儒延鳳詔金馬被鴻私
饌玉趨丹禁棧花降紫墀
銜恩傾旨酒鼓舞詠康時
暫觀羣書緝逾昭盛業玉接筵
欣有命擢管愧無詞自驚一何幸
太陽還及葵

李元敏

全唐詩 卷五十八

三

賈曾

曹河南洛陽人父言忠曾少有名
睿宗景雲中為吏部員外郎玄宗為太子
選選宮僚以曾為舍人太子數遣使采女
樂就率更寺肄習曾諫曰作樂崇德以和人
神韶夏有容成英有節而女樂不與其間
昔魯用孔子幾霸戎有由余而彊齊秦遺以
女樂故孔子行由余出奔良以治容哇咬蠱
心喪志聖賢疾之最甚陛下渴賢之美未彰
好伎之聲先聞非所以追啓誦嗣堯舜之烈也
太子手令嘉答俄擢中書舍人以父嫌名不拜
徒諫議大夫知制誥開元初復拜中書舍人曾固辭
議者謂中書乃曹司非官稱嫌名在禮不諱乃就職
與蘇晉同掌

制誥皆以文詞稱時號蘇賈後坐事貶洋州刺史遷禮部侍郎卒于至

祭汾陰樂章

和

斷我漸鑿潔我營薌有豆孔碩為羞既臧至誠無味精意惟芳神其醉止欣欣樂康

和宋之問下山歌

良遊晚晚兮月呈光錦路逶迤兮山路長玉孫不留兮歲將宴蒿巖仙草兮為誰芳

孝和皇帝挽歌

新命千齡啓鴻圖累聖餘天行應潛曜帝出受圖書禮若傳堯舊功疑復夏初夢遊長不返何國是華胥

賈曾

全唐詩 卷五十八

四

奉和春日出苑賜司應令

時為太子舍人使在東都作

銅龍一作開曉開閤安迴金輅春游博望開渭北晴光搖草樹終南佳氣入樓臺招賢已得商山老托乘還徵鄴下才臣在東周獨留滯一作承霽日還來

有所思

洛陽城東桃李花飛來飛去落誰家幽閨女兒愛顏色坐見落花長嘆息今歲花開君不待明年花開復誰在故人不共洛陽東今來空對落花風年年歲歲花相似歲歲年年人不同

洪子興

于興睿宗時為侍御史姜晦為中丞諷劾章安石子與不從

嚴陵祠

漢主召子陵歸宿洛陽殿客星今安在隱迹猶可見
石空潺湲松篁尚葱蒨岸深翠陰合川迴白雲偏幽徑
滋蕪沒荒祠暮霏霏最垂釣想遺芳振蘋蘩野薦高風激
終古語理忘榮賤方念道可尊山林情不變

劉懷一

懷一有才藻自瀛州司法拜右臺殿中

贈右臺監察鄧茂遷左臺殿中

惟昔參多士無雙仰異才鷹鷂同放逐鵲鷺忝游陪入

洪子與劉懷一

全唐詩

卷五十八

五

仕光三命遷榮歷二臺隔牆欽素躡對問限清埃紫署
春光早蘭闌曙色催誰言夕陽至空想鄧林隈

呂太一

太一睿宗景雲中為涇水令魏知古為黃門侍郎表薦
之

詠院中蓀竹

太一拜監察御史裏行自負才華而不即真因詠
院中蓀竹以寄意焉

擢擢當軒竹青青重歲寒心真徒見賞籜小未成竿

全唐詩卷五十九

小許公

蘇頲字廷碩弱敏悟一覽至千言輒覆誦有京兆尹過
環命詠尹字頲曰丑雖有足甲不全身見君無口知伊
少人第進士調烏程尉武后封嵩高舉賢良方正異等
除左司禦率府胄曹參軍吏部侍郎馬載曰古稱一日
千里蘇生是已再遷監察御史武后長安中詔覆來俊
臣等冤獄頲驗發其誣多從洗宥遷給事中修文館學
士拜中書舍人時環同中書門下三品父子同在禁苑
朝廷榮之玄宗平內難書詔填委獨頲在太極後閣口
所占授功狀百緒輕重無所差書史白曰巧公徐之不

小許公

全唐詩

卷五十九

一

然手腕脫矣中書令李嶠曰舍人思若涌泉吾所不及
遭父喪起為工部侍郎帝問宰相有自工部侍郎得中
書侍郎乎對曰陛下任賢惟所命何資之計乃詔以頲
為中書侍郎帝勞曰方美官缺每欲用卿然宰相議遂
無及者朕為卿恨陸象先歿紫微侍郎未嘗補朕思其
人無易卿者頲頓首謝明日加知制誥給政事食給食
自題始時李又對掌書命帝曰前世李嶠蘇味道文擅
當時號蘇李今朕得頲及又何愧前人哉俄襲封許國
公開元四年進同紫微黃門平章事與宋璟同當國璟
劾正多所裁決頲能推其長在帝前敷奏璟有未及或
少屈頲輒助成之有不會意頲更中璟所執故帝未嘗

不從二人相得歡甚環嘗曰吾與蘇氏父子同為宰相
僕射長學自是國器若獻可替否事至則斷盡公不顧
私則今丞相為過之自緯威王環題四世為名宰相八
年檢校益州大都督長史按察節度劍南諸州從封泰
山還分主十銓事卒謚曰文憲自景龍後與張說以文
章顯稱望畧等故時號燕許大手筆帝愛其文曰卿所
為詔令別錄副本署臣某撰朕當留中後遂為故事其
後李德裕著論曰近世詔誥惟類教事外自為文章云
東明觀道士周彥雲欲為其師立碑謂環曰成某志不
過相君諸子五郎文類六郎書說善七郎致石環大笑
口不言而心服其公時稱小許公

小許公

全唐詩

卷五十九

二

祭汾陰樂章

和壽

禮物斯具樂章乃陳誰其作主皇考聖真對越在天聖
明佐神宵然汾上厚澤如春

奉和聖製行次成臯途經先聖擒建德之所感

而成詩應制

漢東不執象河朔方闢龍夏滅漸寧亂唐興終奮庸皇
威正赫赫兵氣何勾勾用武三川震歸寧六代醴成臯
觀王業天下致人雍即此巡于岱曾孫受命封

奉和聖製登蒲州道遙樓應制

在昔堯舜禹遺塵成典謨聖皇東地狩况乃經此都樓
觀紛迤邐河山幾縈紆緬懷祖宗業相繼文武圖尚作

侍德既無險觀風諒有孚豈如汾水上蕭鼓事遊娛

奉和聖製過晉陽宮應制

隋運與天絕生靈厭氛昏聖期在寧亂士馬興太原立
極萬邦推登庸四海尊慶膺神武帝業付皇曾孫緬慕
封唐道追惟歸沛魂詔一作書感先義典禮巡舊藩高
殿綠雲合春旗祥風翻率西見汾水奔北空一作塞垣
款曲童兒佐依違故老言里碩慈惠賞家受復除恩下
輦崇三教又一作都建碑當九門孝思敦一作至美億載
奉開元

奉和姚令公溫湯舊館永懷故人盧公之作

樹德豈孤邁降神良並出偉茲廊廟楨一作調彼鹽梅

小許公

全唐詩

卷五十九

三

實正悅虞岳舉翻悲鄭僑辛同心不可忘交臂何為失
清路荷前幸明時稱右弼曾聯野外迷一作尚記帷中
密新慟情英遺舊遊詞更述空今屬和長歎一作知
音日

和杜主簿春日有所思

朝上高樓上俯見洛陽陌搖蕩吹花風落英紛已積美
人不共此芳好空所惜攬鏡塵網滋當窗苦辭碧緬懷
在雲漢良願睽枕席翻似無見時如何久為客

戲郢州李使君

楚有章華臺遙遙雲夢澤復闌擁符傳及是收圖籍佳
政在離人能聲寄侯伯離懷朔風起試望秋陰積中路

悽以寒聲山霽將夕傷心聊把袂悵悵一作悵悵麒麟客

錢唐州高使君赴任

永日奏文一作對時東風搖蕩夕浩然思樂事翻復錢征

客淮水春流清楚山暮雲白勿言行路遠所貴專城伯

曉濟膠川南入密界

飲馬膠川上傍膠南越密林遙飛鳥遲雲去晴山出落

暉隱桑柘秋原一作深秋被花實慘然遊子寒風露將蕭瑟

夜發三泉即事

暗發三泉山窮秋聽騷屑北林夜鳴雨南望曉成雪祇

詠北風涼詎知南土熱沙溪忽沸渭石道乍明滅宛若

銀磧橫復如瑤臺結指程賦一作則所戀遇虞不違敬重

小許公

全唐詩 卷五十九

四

續孺莫解懸旌凍猶揭下奔泥棧楮上觀雲梯設搏頻

羸馬頓回眸端人跌懂懂往復還心注思逾切冉冉手

將病力因衰急竭天彭信方隅地勢誠斗絕忝與尚書

履叨兼使臣節京域有歲鏡亭障無遠孽歸奏丹墀左

騫能俟來哲

小園納涼即事

煩暑避蒸鬱居閑習高明長風自遠來層閣有餘清散

灑納涼氣蕭條遺世情奈何誇大隱終日繫塵纓

昆明池晏坐答王兵部珣三韻見示

畫舸疾如飛遙遙汎夕暉石鯨吹浪隱玉女步塵歸獨

有銜恩慶明珠在釣磯

蜀城哭台州樂安少府

遠遊躋劍閣長想蜀天台萬里隔三載此邦余重來音

容曠不覩夢寐殊悠哉遠郡饒藉藉晚庭正回回喜傳

上都封因促傍吏開向悟海鹽客已而梁木摧變衣寢

門外揮涕少城隈却記分明得猶持委曲猜師儒昔訓

獎仲季時童孩服義題一作陳書篋邀歡汎酒杯慙令風

雨散仍迫歲時迴其道惟正直其人信美德白頭還作

尉黃綬固非才可嘆懸蛇疾先貽問鵬災故鄉閉窮壤

宿草生寒荻零落九原去蹉跎四序催叢期冬贈橘今

哭夏成梅執禮誰為贈居常不徇財北登嶮巖坂東望

姑蘇臺天路本懸絕江波復一作空汧泗念孤心易斷追

小許公

全唐詩 卷五十九

五

往恨艱哉不遂卿將伯孰云陳與雷吾衰亦如此夫子

復何哀

奉和聖製春臺望應制

壯麗天之府神明王者宅大君乘飛龍登彼復懷昔圓

闕朱光焰橫山翠微積河沂流作表縣駭開成陌即舊

在皇家維新具物華雲連所上居恒屬日更時望不

糾三月瀟池搖積水萬年青樹綴新一作點花蒸歲國此

嘗圖霸業後仁先以許東破諸侯西入秦咸陽北阪

南渭津詩書焚燕散學士高閣奢踰嬌美人事往覆軒

經遠喻春還按蹕憑高賦戎觀愛力深惟省越厭陳方

何足務清吹遙遙發帝臺宸文耿耿照天迴伯夷位事

愚臣忝喜奏聲成鳳鳥來

長相思

君不見天津橋下東流水南望龍門北朝市楊柳青青
宛地垂桃紅李白花參差花參差柳堪結此時憶君心
斷絕

立春日侍宴內出剪綵花應制

曉入宜春苑穠芳吐禁中剪刀因製素粧粉為開紅彩
異驚流雪香饒點便風裁成識天意萬物與花同

春日芙蓉園侍宴應制

御道紅虹一作旗出芳園翠輦遊繞花開水殿架竹起山
樓荷葉輕薰帳魚龍出負舟寧知穆天子空賦白雲秋

小許公

全唐詩

卷五十九

六

奉和聖製人日清暉閣宴羣臣遇雪應制

樓觀空烟裏初年瑞雪過苑花春玉樹池水作銀河七
日祥圖啓千春御賞多輕飛傳綵勝天下奉薰歌

奉和七夕宴兩儀殿應制

靈媛乘秋蒨仙裝警夜催月光窺欲渡河色辨應來機
石天文寫針樓御賞開竊觀樓鳥至疑向鵲橋迴

奉和九日幸臨渭亭登高應制得時字

嘉會宜長日高筵順動時曉光雲外洗晴色雨餘滋降
霍因韶德吹花入御詞願陪陽數節億萬九秋期

紀事作并數登高日延齡命賞時宸遊天上轉秋
物雨來滋降霍承仙馭吹花入睿詞微臣復何幸

長得奉恩私語多不同今並載之

遊禁苑幸臨渭亭遇雪應制

平明啟帝居霰雪下凌虛寫月含珠綴從風薄綺疏羊
驚花絮早春夜管絃初已屬雲天外欣承霈澤餘

奉和送金城公主遠西蕃應制

帝女出天津和戎轉霸樹一作輪川經斷腸望地與析支
鄰奏曲風嘶馬銜悲月伴人旋知偃兵革長是漢家親

奉和聖製登驪山高頂寓目應制

仙蹕御層氣高高積翠分岩聲中谷應天語半空聞豈
樹連黃葉函關入紫雲聖圖恢寓錄歌賦小一作橫汾

幸白鹿觀應制

小許公

全唐詩

卷五十九

七

碧虛清吹下鶯鶯入仙宮松磴攀雲絕花源接澗空受

符邀羽使傳詠駐香童詎似閑居日徒聞有順風

題壽安王主簿池館

洛邑通馳道韓郊在屬城館將花雨映潭與竹聲清賢
俊驚樓棘賓遊馬佩衡願言隨仰鳥從此濯吾纓

扈從溫泉奉和姚令公喜雪

清道豈人望乘時漢主遊恩暉隨霰下慶澤與雲浮泉
暖驚銀磧花寒愛一作映玉樓鼎臣今有問河伯且應留

秋社日崇讓園宴得新字

鳴爵三農稔勾龍百代神運昌叨輔弼時泰喜黎民樹
缺池光近雲開日影新生金應有地長願樂交親

奉和魏僕射秋日還鄉有懷之作

南宮夙拜罷東道盡遊初飲餞傾冠蓋傳呼問里閭樹
悲懸劍所溪想釣璜餘明葵輝光至增榮一作聞駟馬車

武檐山寺

武檐獨蒼然墳山下玉泉靈一作更時共盡龍女事同

遷松柏銜衣處幡花種福田詎知留鏡石長與法輪圓

餞潞州陸長史再守汾州

河尹政成暮為汾昔所推不榮三入地還美再臨時擁
傳雲初合聞鶯日正運道傍一作傍人多出錢別有吏民思

餞荊州崔司馬

茂禮雕龍昔香名展驥初水連南海漲星拱北辰居稍

小許公

金唐詩

卷五十九

葉仙人復將題別駕與明年徵拜入荆玉不藏諸

送吏部李侍郎東歸得歸字

陌上有光輝披雲向洛畿賞來榮亮從別主惜分飛泉
溜含風急山烟帶日微茂曹今去矣人物喜東歸

送光祿姚卿還都

漢室有英台荀家寵俊一作寵才九卿朝已入三子萊同
來不授綸為草還司鼎用梅兩京王者宅駟馬日應迴

春晚送殷立田少府還任因寄洛中鏡上人

聞道還沂上因聲寄洛濱別時花欲盡歸處酒應春聚
散同行客悲歡屬故人少年追樂地遙贈一書中

送賈起居奉使入洛取圖書因便拜親

舊園才因地當朝史命官遺文微闕簡還思采芳蘭傳
幾關門候賜稱邑里散早持京副入旋佇洛書刊

送常侍舒公歸朝

朝聞講藝餘晨省拜恩初訓曾尊庠序榮親耀里閭朱
丹華數送班白綺筵舒江上春流滿還應薦為躍魚

興州出行

危途曉未分驅馬傍江濱滴滴泣花露微微出岫雲松
梢半吐月蘿窗漸移曉旅客腸應斷吟猿更使聞

遣秋薄暮一作塞

海外秋鷹擊霜前旅雁歸邊風思鞞鼓落日慘旌麾浦
暗漁舟入川長獵騎稀客悲蓬薄暮況乃事戎機

小許公

金唐詩

卷五十九

曉發方壽驛

傳置遠山溪龍鍾泥片陰常作雨微照已生霓髮
髮愁氣換心情險路迷方知向蜀者偏識子規啼

經三泉路作

三月松作花春行日漸除竹障一作坊山鳥路藤蔓一作沒
野人家遠石飛梁下尋雲絕登斜此中誰與樂揮涕語

年華

故高安大長公主挽詞

彤管承師訓青圭備禮容孟孫家代寵元女國朝封采
軌題貞順閒規賦肅雍寧知落照盡霜吹入悲松

贈司徒丘虛府君挽詞

寵贈追胡廣親臨比賀猶幾聞投劍客多會服總人草
開墳將古松陰一作地不春二陵猶可望存殁有忠臣

故右散騎常侍舒國公褚公挽詞

陽翟疏叢構臨平演慶源學苑尊授几儒服寵乘軒審
諭留中密開陳與上言徂暉一不借室有賜東園

奉和初春幸太平公主南莊應制

主第山門起灞川宸遊風景入初年鳳皇樓下交天仗
烏鵲橋頭一作逢故御筵往往花間逢綠石時時竹裏見
紅泉今朝扈蹕平陽館不羨乘槎雲漢邊

奉和春日幸望春宮應制

東望望春春可憐更逢晴日柳含烟宮中下見南山盡

小許公

全唐詩 卷五十九

十

城上平臨北斗懸細草偏承迴輦聲輕花微落奉陽前

一作飛花故落舞筵前

宸遊對此歡無極鳥鳴聲聲入管絃一作鳥鳴聲聲入管絃

管絃難

人日重宴大明宮恩賜綵綵人勝應制

疏龍登道切昭回建鳳旗門繞帝臺七葉仙莫依一作承

月吐千株御柳拂烟開初年競貼宜春勝長命先浮一作

添獻壽杯是日皇一作靈知竊幸羣心就一作捧大明

來

侍宴安樂公主山莊應制

駸駸羽騎歷城池帝女樓臺向晚披霧灑旌旗雲外出
風迴巖岫雨中移當軒半落天河水繞徑全依月樹枝

蕭鼓宸遊陪宴日和鳴雙鳳喜來儀

興慶池侍宴應制

降雀池前迴步輦栖鸞樹杪出行宮山光積翠遙疑逼
水態含青近若空以上二句初云山光積翠遙疑逼
盧從愿所贊但未句直視天河垂紫外俯窺宗室畫圖
又押風字故易之

廣達樓下夜侍輔宴應制

東嶽封迴宴洛京西壩通晚會公卿樓臺絕勝宜春苑
燈火還同不夜城正觀人間朝市樂忽聞天上管絃聲
輔來萬舞羣臣醉喜戴千年聖主明

龍池樂章 唐李龍池樂章第七

小許公

全唐詩 卷五十九

十

西京鳳郎躍龍泉佳氣休光鎮在天軒后霧圖今已得

秦王水劍昔常傳思魚不入一作似昆明釣瑞鶴長如太

液仙顧侍巡遊同舊里更聞蕭鼓濟樓船

扈從鄂杜間奉呈刑部尚書舅崔黃門馬常侍

羣輦紅旗出帝京長楊鄂杜昔知名雲山一一看皆美

一作竹樹蕭蕭一作畫不成羽騎將過時快拂香車欲

度捲簾行漢家曾草巡遊賦何似今來應聖明

景龍觀送裴士曹

昔日嘗聞公主相一作第今時變作列仙家池傍坐客穿
叢篠樹下遊人掃落花雨雪一作長疑向函谷山泉直
似到流沙君還洛邑分明記此處同來閱歲華

春晚紫微省直寄內

直省清華接建章向來無事日猶長
花間燕子樓鵲鵲竹下鷄雛繞一作鳳皇
內史通宵承紫誥中人落晚愛
紅粧別離不慣無窮憶莫誤卿卿學太常

贈彭州權別駕

雙流脉脉錦城開迢餞年年往復迴
祇道歌謠迎半刺徒聞禮數揖中台
黃鸝急轉春風盡斑馬長嘶落景催
莫惜分飛岐路別還當奏最拔垣來

寒食宴于中舍別駕兄弟宅

子推山上歌龍罷定國門前結駟來
始覩元昆錡玉至旋聞季子佩刀迴
晴花處處因風起御柳條條向日開

小許公

全唐詩

卷五十九

上

自有長筵歡不極還將一作持綵服詠南陔

九月九日望蜀臺

蜀王望蜀舊臺前九日分明見一川
北料鄉關方自此南辭城郭復依然
青松繫馬攢巖畔黃菊留人籍道邊
自昔登臨湮滅盡獨聞忠孝兩能傳

全唐詩卷六十

小許公

奉和晦日幸昆明池應制

夾曆事遷臨昆明始鑿池豫遊光後聖
征戰罷前規霽色清珍宇年芳入錦波
御杯蘭薦葉仙仗柳交枝二石分河瀉
雙珠代月移微臣比翔泳恩廣自無涯

奉和聖製幸禮部尚書賓希玠宅應制

尚書列侯第外戚近臣家飛棟臨青綺
迴輿轉翠華日交當戶樹泉漾滿池花
圓頂圖嵩石方流擁魏沙豫遊今聽履
侍從昔鳴笳自有天文降無勞訪海槎

奉和幸韋嗣立山莊應制

小許公

全唐詩

卷六十

一

擬金寒野霽步玉曉山幽帝幄期松子
臣廬訪葛侯百工徵往夢七聖危來遊
斗柄乘時轉台階捧日留樹重巖竊合
求迸水光浮石徑喧朝復璜溪權釣舟恩
如犯星夜歡擬濟河秋不學堯年隱空
令傲許由

奉和聖製送張說上集賢學士賜宴得茲字

肅肅金殿裏招賢固在茲鏘鏘石渠內
序拜亦同時宴錫歡一作嘉談道文成貴
說詩用儒今作相敦學舊為師下際天
光近中來帝渥滋國朝良史載能事日
論思

奉和聖製途經華嶽應制

朝望蓮花嶽神心就日來晴觀五千仞
仙掌拓山開受命金符叶過祥玉瑞陪
霧披乘鹿見雲起馭龍迴偃樹